

雙溪集附遺言

一



雙溪集

附道

一

蘇籀撰

雙溪集卷第一

眉山 蘇籀 仲滋

古律

次韻大父曬麥

西郊歲種十畝麥。自笑不耕惟坐食。吾人一飽已天幸。此外何心更求得。我田長熟無旱潦。玉粒收來堅且好。豈同豪右執勞契。虐取多求急於盜。我家治生無奇功。累世守此慈儉風。倉困不滿非所恤。冒暑一曬安敢慵。長空不見纖雲起。沽酒烹雞會鄰里。炎魔不厭塵滿身。冷餅行看冰上齒。閒居捨此一事無。徇時干祿姑捨諸。信知爲農自足樂。秦相未必賢牽盧。

大父令賦舊扇

裁紈當團扇。當暑不離手。炎涼一推遷。委擲昏塵垢。蒙蒙縈蛛網。闌闌迷遠岫。人情逐時移。浪自分好醜。一朝被收錄。已迫朱明候。開篋振浮埃。清風亦生袖。有愛必有憎。無新故無舊。可憐漢婕妤。涕泣將爲咎。賢哉楚令尹。無欣亦無詬。

大父令賦捕魚

寒魚不樂水。遇汕輒來依。溪邊蓑笠翁。智深魚莫知。網罟既不設。釣竿亦罷攜。蕭然徒手來。一一收無遺。

幽人買魚食。心亦憐魚癡。蚤知烹割苦。寧如在流澌。世人豈異此。外物常見羈。好在李斯犬。當觀莊子犧。
咸陽縣令求清渭樓詩。和何子應長句。

秦如兼葭未飽霜。四維不舉空豪強。神疲鬼乏赴功利。兆自襄公終始皇。富極薰天力斡地。諸侯西來誰敢當。范雎李斯乘利勢。蒙鷖白起先戎行。韓盧前奔宋鵠舉。角逐海內如驅羊。干戈取之刑法治。舉事夸淫惟快意。時移數盡非徒然。直筆汗青遭唾毀。咸陽宮殿無尺瓦。直抵南山是禾稼。山巔觀闕總成塵。渭東流無晝夜。昔時此水貫宮垣。今日淪漣縣樓下。無復秦娥洗粧水。時有村童飲牛馬。秋波泠泠泛紅葉。春天波蕩桃花節。清名不與世榮辱。混濁何嘗妨至潔。八川分流皆異態。七澤胸中無芥蒂。直須面面倚危欄。彈睹雍州原野大。樓中有客雍門彈。坐上悲歌擊樽壤。何侯精采如琳琅。攜詩揖我謂我臧。我今爲子登樓賦。書版一諷悲興亡。

次韻范氏子園居卽事三首

媚蘭多畦畹。黨竹論尺尋。倦矣一枝足。卓哉千里心。氣含湖海姿。名掛熊虎林。長髯冒世累。禿鬢微霜侵。雕鑽久已休。潛伏恨不深。亭邱近來趣。何止如山陰。

其二

沼沚清漣生。云云復浼浼。爨清飯不足。歡賞心無餒。金絲撚條柯。酥蠟滴趺蕾。櫻桃與芍藥。春事卜貞悔。

其三

花開且復謝。迴首悲今昨。席月吹參差。臨芳傾鑿落。莎蘋藉醉枕。風竹驚眠覺。賓僚上馬去。烏鳥相呼樂。春光在木杪。花絮相紛薄。酒到忘醇醪。客來無善惡。

耕者得古玉指環一首

百世繁榮墮劫灰。淒涼斷簪并壁釵。淑顏窈窕亦塵俗。指環耕出田中來。野人辛勤務稼穡。兩手龜拆闢草萊。未知此環竟安用。但訝光采尤奇瑰。王孫捉塵不辨玉。手面膏拭無纖埃。柔荑纖纖擢紺袖。五雲書勢高崔嵬。金撥收聲飮犀筋。冰過紅芽誠妙哉。指環不肯貧家售。東鄰女貧人道醜。巧粧墮馬長掃眉。五色紵箴工組繡。古人製器知爲誰。今時豈乏春風手。春葱銀甲深藏袖。偕老賦詩須我友。

游寒谿次醅字韻題九曲亭一首

幅巾戲漉彭澤醅。尺書閒覓來禽栽。東坡居士五年久。真主未遽求鹽梅。扁舟夷猶水刻窟。雙屐禿缺峯峨嵬。招揖西山與東魯。迴首闔閭并玉臺。標榜高薨方外景。不染時世毫端埃。倚空千重翡翠蓋。落日萬頃琉璃堆。興酣魚鳥安樂國。喜溢僕馭陶家壘。惜哉二老削舊迹。不論石上與牆隈。碕岸橫舟昔時處。刻劃獨免漫蒼苔。梵刹青蓮舊僧社。徑遂幾合無人開。方今九原如可作。足使四海無彫摧。封章千載垂可否。玉堂黃閣猶儋雷。精義窮神致實用。不變生死無去來。天下書生踐遺跡。棠蔭處處思賢哀。

次韻答晁以道見贈二首

骨髓絨藏萬古謀。畔牢愁思不禁秋。常憐屈宋鳴中古。不遇邱軻放一頭。文賦東坡推典麗。簡書西路矢

歸休看公議論方游夏。豈數蘇州與柳州。
玉井之泉汲又新。腐陳收拾已空困。鐵牛城下三年眼。割見仇池社裏人。

次韻范機宜感懷

珪組紛紛蟻慕羶。徇人可否冀超遷。傷哉遠客疲中國。慟矣長星出亘天。晉楚春秋書失國。惠昭徒駁竟言旋。朝廷得士爲強弱。郭隗來歸不首燕。

選王機宜歸襄陽侍下一首

乃公振旅來河湟。新奏捷詩禮壯齋壇。荊州初妥帖。王郎賦緇衣。旦莫刷燕越。從容挽六鈞。邂逅記三篋。賞奇必先覩。語怪尤欣愜。樵徑曳斑杖。僧窗敷白氈。解頤千慮卻。爬癢衆賓厭。轅門熊虎士。鐵面竦長鬣。椎牛赴大酬。割肉揮長鋏。酸寒商公邑。會我縈仕牒。兒嗥羹不糝。女瘦裙剩摺。嫉邪髮衝冠。憂國鬚屢鐸。侯家有美載。寒冬相煖熱。驪囊帶青萍。於菟包璞甲。風磴好扶輪。冰溪多病涉。淒涼熊耳下。小雪輕塵浥。升堂語君公。浚治千樓堞。勉勉足兵食。孜孜撫疲茶。政成在簡易。可大賢人業。

黃筌畫金盆鴿孟蜀屏風者也一首

孟氏觀闕嘗鮮新。蚪蚪棋檟翔青冥。可憐當年百事足。鬼眼未遽窺高明。鋪首倉琅百樓簷。寶簾珠帶關銀屏。風臺露榭蔽錦纈。朝朝莫莫吹竽笙。鵝溪白繭冰雪清。黃史舐筆研丹青。屏間觀者誠粲者。醉頰融煖蘭膏勻。金盆滴取宮桃露。點黠鉛朱三昧處。融怡宿粉暈嬌紅。一片辭枝三月莫。妙趣忘言心獨覩。花

好更教宮女妒綵翎降趾戲宮廷。啄哺馴和謝籠籞。跼石窺盆刷羽儀。天樂鳳簫驚欲舉。智者創物仁者守。何嗟及矣何追咎。當年高岸尙微茫。零落萍蓬入誰手。華堂粉壁倚叉竿。五十年前亡是叟。細說盈虧閱今古。我曹知愛當知惡。此閒風韻出成都。花上杜鵑曉最苦。見之坐右久彌新。咄咄庸工難與語。

避地詠史一首

量力難貪督亢圖。馮亭致地禍來歟。摸金公子驅長戟。割地先生醉墮車。乘傳有人延劇孟。運籌何術困由余。鬼方政賴高宗克。雅信周公無逸書。

東坡三絕句

門庭桃柳人人護。焚屋新遭盜跖餘。鄰社蕭條近尤劇。孫孫子子寶公書。嶺背甘泉陵谷遷。危亭圓顧尙依然。春蘭秋菊無終古。地上居人世世賢。爲文赤壁并黃坂。奇韻平生想象中。延目練江嗟逝水。舉頭碧落看飛鴻。

過故丞相呂汲公墳剝二首

元祐推諧弼。乾坤豈小康。曹參尙清淨。蕭傅性剛方。報國無遺恨。興邦舉舊章。累年公議白。名與日星光。

其二

纏綿思舊賦。沈痛八哀篇。宇宙門人盡。謀謨國史傳。高閔人莫及。何代獨無賢。欲說源流遠。還應筆似椽。

南溪太息一首

東坡曾賞南溪雪。他日流芳好事孫。寒稜稜裏。憂端憤憤。寒乾坤。赤囊政爾勞邊吏。白羽多應落酒樽。太息九原何可作。逸才誰敢賦招魂。

舟中懷古一首

耀德先王不耀兵。汪洋施澤在生靈。孰違天戒。并民欲。不愛邦家。嗜虜庭。作俑亂生。誠有自。覆車勢合亦難停。山河異境傷王導。雲海高翔羨管寧。願以絲毫裨漢室。豈無弓矢斃胡星。愚翁事業空遺臭。經義分明戰血腥。

次韻陳叔易遠別離三首

晝短宵未明。何朝妾覲君。淚滴九宵雨。愁凝千古雲。鳳藏丹霄晚。鴻遵沙磧遠。樓迴眼波窮。軸折離魂斷。安得葛陂龍。肉骨丹九轉。婦慧弗諳事。謂世無離索。洋洋舊依蒲。逐逐難翳藿。衝風遞弱羽。爛漫何鄉落。憂端埒南山。那堪魯酒薄。人力未如何。天公良可託。別情茶無苦。訣語若爲道。日近長安遙。山圍烟浪遶。星河通故都。冰雪迫彫槁。迴轅尙茫茫。延頸空矯矯。卜歸付乾策。此策何人抱。

憶雍都一首

秦漢西都誰復加。茂陵賦筆大非夸。西瞻周道平如砥。南揖秦山翠削瓜。電尾風鬣蹏逸健。蝟髯鰲面手

高叉兵微將乏初無奈。賊破功成近可嘉。飄泊荆吳最蕭瑟。厭聞胡漢更紛拏。娛賓北榭忘憂酒。侍燕西川沒骨花。縱被萼羹當羊酪。未諳臚舫憶驪騶。

梔子花一首

鏤裁雪羽元同質。合輯龍沈更一家。氣襲禪僧鼻端白。葩敷溪女鬢脣斜。牽纏薌色誠虛幻。結習因緣可歎嗟。芍藥調和傳漢殿。醢醢脂澤有渾邪。

鑒裁一首

喬公評老瞞。謫仙奇郭令。視遠數十載。偉歟真智聖。破賊此郎子。勿反吾同姓。凡才愚世間。鑒裁惟其證。大奸初難辨。明者獨深省。若人與斯評。厥重如鐘鼎。紛紛女媧土。安在所譏病。惟賢則知賢。絲亂行將整。掩書在前軒。老眼安敢瞑。

夜飲一首

微生無限死之徒。瓦解絲棼不易圖。一簣區區裨大塊。力行踽踽競長途。韜鈴籌策皆摧折。文籍條綱總闊疎。誰料孟嘉爲謝傅。笑觀蔣幹待周瑜。

去年一首

去年胡來清水巖。黃河狹隘冬凌頑。戾如飄風速如鬼。犬豕淫虐豺狼貪。探馬星奔汗流地。猛士背裂髮指冠。潼雍見兵不及萬。半闕甲冑屯河邊。隆寒身體例皸瘃。亦復勉強橫戈鋌。它司金繒封雍府。犒軍紙

襖如泥錢。胡人隔水相笑侮。殺身於爾何直焉。同州告急唇齒喻。無兵赴救誠難施。元戎鈐下兵八百。蒼頭廝養爭後先。鄜延詔發五千騎。此日收兵姑自全。平時保甲例烏合。縣符迫促揮空拳。甚哉田夫無鬪志。一夕驚走如寒煙。漢將蒼黃結旌遁。虜騎勢合彌山川。關中控弦誠萬騎。忠臣義士力可宣。書生命運亦蹇劣。我師疲少鄰敵堅。卻憶長安無事日。談及禍亂爲尤愆。飯囊酒甕誇厚福。捧土揭木皆才賢。生靈未悉坐何罪。髓腦塗地尤蒼天。天公誠能祐戎虜。豈復不解興中原。案圖戎索八百郡。我邦日蹙知誰憐。吳中據江恃舟楫。惴惴慄慄聊偷閒。旅人流徙隘城郭。歲事寒薄理勢然。去年往矣不須問。安枕而臥祈來年。

維摩詰一首

盃杓何人執其咎。脅脅卑卑十年臭。邂逅瓊枝解渴心。京洛豈嘗開荳蔻。協山沈水燒春晝。採英擷萼春風手。九迴臺卷紆餘秀。尺六仙圍楚宮瘦。癡狂無限熱肝脾。盛詫櫻桃比垂柳。槁木寒灰不二門。禪功道力何妍陋。

偶感二絕

古風未必今人操。老氣休祈大吏歡。捫腹定無奇士術。蕭然且作野人看。延陵乃有能詩鑒。子路猶爲少讀書。習氣未忘繙簡冊。白頭稽古不應愚。

梅雨一首

柑花銷殞荔殊小。海上雨雲氛氣昏。感慨干戈異鄉客。愁思骨肉與誰論。白魚紫筍清庖隸。盧橘楊梅積市門。作吏天涯何所得。一春黃卷伴芳樽。

張儒人九十六歲僉判求眉壽堂詩二首

鵲巢流慶嗣如參。鶴髮人間仰達尊。經眼盡知三世事。含飴已看幾重孫。承顏捧詔疏封邑。扇枕溫牀不倚門。取數西方無量佛。滿堂氛馥貝多翻。
蕭同叔子無令笑。綿上之推乃棄官。咸羨此堂稱聖善。累從治劇勸平反。晨昏不怠諄諄誨。僮使皆沾洩洩歡。紫詔又當稱大國。安輿五馬疊榮觀。

陋居一首

平生甕牖薜茈青。江左那無寸土寧。游宦飄然紆幕燕。陋居粗有讀書螢。浮生佛脚須當抱。亂世儒衣便欲停。天定災祥在淫善。北溟安得勝南溟。

羣盜一首

貪得不知義。流風紊四維。珪組實盲昏。黥髡亦覬窺。諒非跼蹐才。競揭椎埋旗。巨猾肆滔天。小醜爭攘欺。立國計安出。顧無以家爲。三州破竹勢。吏卒傷撓隳。越人竟何能。非復尉佗時。壺簞迎王旅。克捷劍之湄。閩府幸宴然。一毫未嘗虧。噫吾有以待。致爾由他歧。殘孽失追襲。諸將咸思歸。勉哉方伯職。力拯隣邦危。漳濱擊未解。蜂蝎生武夷。姑息倒困藏。諄複行文移。近事苟目前。遠憂那敢知。天運未太平。佛力亦其微。

武夫勿告勞。儒冠須出奇。知人與安民。此責誠塞之。

秋分一首

礎溼嵐昏近海多。劍霜清刮手親磨。輪困馬棧非難整。索寞牛衣且勿呵。好住延陵皋澤去。強同溱洧濟人過。坐令幽谷遷喬木。盛論中原喻尉他。余避亂。謀居吳中。

苑箕叟啜茗一首

無窮賞物胡名達。希世纖柔不計金。愛雪并花也延命。擲絲與竹卻知音。情閒未絕毫釐念。文豔何妨鐵石心。雅倩樊蠻誦長恨。飲茶亦可擬芳斟。

程帥父朝議年八十餘。諸人作詩褒咏。次韻一首。

郎潛華省夢鑾輿。連帥元戎十乘車。吏道薛公何必問。史才倚相妙稱書。雍容鳩杖朝裾偉。談笑蒲鞭法網疎。萬石恬侯定非晚。閨人安枕夢維魚。

凍雨一首

淋淋凍雨滴春朝。正月寒威倍深慄。汨淖不甘勞阜隸。執輿豈必勝芻蕘。素餐致寇思長策。失業疲氓想易招。馴伏強豪蘇餒乏。濟時籌略直須超。

贈蘇文瓘

推明能隼骨專車。按地談天河洛圖。漢魏晉唐皆貫澈。典墳今昔不荒蕪。君家庭戶聞風旨。吾事分毫等

博屠豈待曲終思雅頌。直緣背癢遇麻姑。預求補益三年艾。深識妖邪九尾狐。博物偉然窺子產。濟時豈必愧夷吾。

醅醑一首

絆挽風光數丈枝。曳松拖雪不勝宜。濃鉛輕素誰調練。鬱蕙滋蘭無等夷。婆律著人醒自解。昆吾雕玉賞尤奇。攀條顚蕊思京洛。末利晶瑩自一時。

次韻鄧志宏三月辛卯大雨雹

剝圭碎壁崑山頽。天容黯慘凝不開。隋和抵鵠虎兇吼。陽愆陰伏推從來。雀鼠懷安怖入壁。聲侔海翻星隕石。疾雷破山萬壑沸。急雨懸河平地尺。嘉生春淺纔纖毫。季子禦雹勤嗟嗥。冲冲鑿冰窮谷裏。申豐此說殊未高。

次梅齋嚴韻

振條裂石寒颼颼。霰集黃昏天爲愁。若蘭政恐遠庭戶。健步斷本移巖幽。斷魂能返神可雪。照夜薰天欲奔月。妖韶敷豔滿東風。膚清骨秀無相絕。

跋思古齋詩卷

孺然林下趣。仙袂擁書籤。心迹清無滓。情聲慧且謙。瓊臆龜背戲。彤管兔毫尖。十願獨非僭。陶云那得添。僧庵崖上榴花。

蒼崖有紅榴。照眼風樞迴。鶴頂磨丹明。猩唇染羅竟。天然同心帶。物理有殊稟。青鳥蹴紅巾。奇膠綴琴軫。于雲伴牢愁。無偕淒消贈。思致玉瓏鬆。皎兮麗宮井。江嶠瑣蠻烟。空煩洛生詠。山僧遞形語。呵乃枯禪病。喁諷獨移時。鶻沒天宇淨。

游鼓山一首

孫子安見招

呼船起柁乘潮平。掠窗飄箔疎雨傾。漱石枕流東道主。櫛風沐雨吾曹行。百尋懸瀑瀉紳珮。兩邊喬木翔。斲薨乞漿滿甌牛乳粥。縱酒下筋駝驪羹。躋摩頂踵歷蹬術。牽挽葛藟披荆榛。荒浪撓差復菴靄。截薛廬。最仍稜層。崑煙歎雨援鶴宅。絕山航海樵漁能。草衣穴處避世士。木食澗飲安禪僧。芝房雲閣無盡藏。月屏風幌長明燈。笑看闔闔一蟻垤。揮斥氛祲投蠻藤。經行石竇解滕屨。飲灌匏杓談淄澠。莫嗔踏碎蒼苔色。莫嫌汲濁陰井清。膏肓泉石有鑒裁。騰蹕巖嶠試股肱。要識石鼓真面目。立置枕几非繪繒。風吹楊葉此山下。欲問故老知誰膺。市朝一夢爭奪際。山海蕭散堪伏膺。

和洪玉甫祕監荔枝三首

其二

林杪摘星隕。江干疑燒然。香包浣花錦。冰質藐姑仙。巨擘紛璀璨。丁香吐妙妍。唐亡傾國笑。何物免羅愆。閩中譜殊盛。唐相賦初工。萬點凝霞赤。三危滴露叢。驅蘆抵烏鵲。投李飫兒童。子美吟西蜀。櫻桃先後紅。

其三

瘴鄉駢瑣質。善地最莆閩。冠絕林閒品。難爲坐上賓。蟠桃壽天帝。萍實薦居辰。無逸爲龜策。何煩萬馬塵。

雙溪集卷第二

古律

次韻待制王公出示李公丞相鼓山唱和之什。不揆蕪累。奉和一首。

顯印經世量。超軼塵秕淨。猗歟尋山屐。汎矣隨波艇。顏筆振巖崖。戎眼清水鏡。平籥青雲步。何如蒼蘚磴。忘懷挈伯雅。寓意彈韻磬。物外赤松期。域中兜率覓。江溟噓吸際。霞祿廓虞映。龍象千礎攢。登屨十方并。彌天各縱辯。酌海終弗罄。公侯誠得一。品物將大定。瞿曇舊標籙。嵌洞尤奇勝。雷喝潤流迴。石刻惟人競。半山琅玕響。一井玻璃瑩。松風瀑水合。時鳥應人聽。慷慨羊鄒游。雍容裴白並。溪谷有佳色。題品益光幸。渭濱行將獵。詔促預參乘。王公居客右。羊舌偕趙孟。小人繆好事。大冊挾晨暝。擊節穆清風。續騷聊比興。

次韻洪令穀瑞平遠臺

能賦憑高所得多。海雲巖嶠若君何。兼通西竺瞿曇意。欲和南風虞舜歌。怪石甘泉作檀施。長廊古殿蔭多羅。相期正始微言緒。詩眼休嫌俗吏過。

洪子再示論詩之意答一首

文章三昧亦無多。甄品難甘枕杜何。撚脫髭鬚徒自哂。可憐彈鋏爲誰歌。腐陳點化爲珍玩。翡翠鰐鰂入廚羅。擬續蘭臺快哉賦。後來作者豈容過。